



UNIVERSITÄTS-  
BIBLIOTHEK  
PADERBORN

**Bavariae Sanctae Volvmen ...**

**Rader, Matthäus**

**Monachii, M.DC.XXIV.**

B. Haymo Ex Nobili Bavarо Episcopvs Verdvnensis.

---

[urn:nbn:de:hbz:466:1-79699](#)

## B. HAYMO

EX NOBILI BAVARO EPISCOPVS  
VERDVNENSIS.

**H**ic octauus & trigesimus Pontifex Virdunensis  
creatus, anno post Christum natum nongentesimo  
altero & nonagesimo (sic enim apud Bucherium est  
numerus restituendus, ubi mendosè legitur nogen-  
tesimo secundo) domo Bauarus, satu nobilis, fama  
sanctitatis & eruditione clarus, ad Henrici S. Boiorum principis,  
dein imperatoris, palatium euocatus exemplo suo etiam imperato-  
rem ad insignem sanctitatis laudem & famam traduxit. Tanti est  
integrum numinis cultorem & morum formatorem assidue ante  
oculos spectare, cuius vita pro lege sit. Est hic per insidias intef-  
fectus, cum ex Moguntino conuentu ab Henrico Cæsare domum  
reuerteretur, ut Ditmarus est auctor. Describam, inquit, quoq; vnum  
facinus eorum, quod in Adra lugubriter peregerunt. Rex autem habuit concili-  
um in Moguntia ciuitate, & hitunc interfuerere: & cum omnia ibidem secundum  
sumet placitum respondere non potuissent, reuersi sunt irati, pace tamen ad  
tempus facta. & cum eos sequerentur, nil malisperantes Heymo VVirdensis Epi-  
scopus & dux Thiedricus latentes insidias improviso irritant & paucis effugientibus,  
cum Episcopis interfecti sunt innumerabiles viri. Dux ille nimis vulnera-  
tus, & quia amicus eorum fuit, captus abducitur, & multos dies custoditur.  
Vixit in pontificatu suo annos sex & tringita, Berthardo presbyte-  
rio teste, ex quo & hæc excerpta ad me transmissa subscribo. Ec-  
clesia vero Virdunensis tantis prælibatis pastoribus viduata, pastorem a quo  
benigne nutrienda & diligenda esset, tum genere tum moribus nobilissimum Hey-  
monem, de quo paulò ante diximus, meruit a theutonica, qui loco sibi commisso  
non parum profuit, cum Ecclesiam per breuem magna ex parte ampliauerit,  
decorauerit, extulerit, cum præbenda fratrum Superiacum & alia plura da-  
ta, ut præstaria adquierit, cum etiam sua & successorum suorum mensa ab  
Henrico pacifico rege fideliter obsequendo strenueque se habendo Iupilium impe-  
trate addiderit. O quanta viri huius erga Ecclesiæ sollicitudo, cum Ecclesi-  
am beati Ioannis mutauerit, mutatam ampliauerit, ampliatam Mauro præfuli  
sanctissimo consecrauerit, cum sanctimonialium congregationem ibidem ordina-  
uerit, & congregacioni necessaria ex rebus maioris Ecclesiæ prouiderit. dilgebat  
sæcile Ecclesiæ, diligebant & sui, operibus pijs instabat, instabant & sui, nam  
eius

C12. XXVII. xl.

Calend. May.

Ditm. l. 6. r. 72.

ubi Heimonem ap-

pellat VVirdensem

Episc.

Agid. Bucherius

se Episc. Tungren.

Richard. Waffelbur-

gum Archidac.

Virdun.

Georg. Fabric. Orig.

Sax. l. 2. p. 270. ap-

pellat Haymonem

Virdunensem Episc.

Bertharium i. res. M.

S. in vita Episcopo-

rum Virdun.

Ex litteris Francisci

Thouenini.

eius exemplo eiusque desiderio amicus Præpositus Ecclesiam sanctæ crucis adificauit, Canonicos xii, locauit, quibus necessaria ex prædijs suis, & ex aliunde acquisitus prouidit. ad ultimum petitione Episcopi locum illum sancto Mauro subdere non recusauit. Dudo etiam Præpositus apud castellum des Lünarh Ecclesiam in honore S. Laurentij constituit, canonicos ordinauit, ordinatis necessaria dispositi, magnisque operibus cum summo labore & miro decoro, castrum illud ad effectum usque perduxit. Posthac à Pio Pontifice paternè exceptus est, aliunde adueniens pater Ermenfridus & benignè retentus adiutusque adificauit Ecclesiam S. Mariae Magdalena, Canonicique ordinatis, cum summo laboris ardore necessaria prouidit: utpote qui patrimonij carebat, regibus obsequendo, principibus adhærendo, omnibus se submittendo, & cum mira sollicitudine Deum precipue inuocando multa adquisiuit. Huic plus contulit vita, quam pecunia; plus pia apud Deum & homines deuotio, quam aliqua possesto; plus profuit meritum, quam prodeesse potuisset aliquod patrimonium.

Epigraphen sepulchri hanc Franciscus Thoueninus ad me misit: *Hic iacet Haymo Episcopus & Comes Verdunensis, qui moniales huic monasterij instituit sub regula S. Benedicti & hoc tumulo conditus fuit xxi. Aprilis anno 1027. qui tumulus apertus fuit concessu reverendi Episcopi Tullenfi, administratoris huius Episcopatus, ad preces venerabilis domina Vrfulæ a S. Astero abbatisse huius loci decimo Aprilis 1612. in eoque inuenta sunt ossa dicti Haymonis, casula pontificalia, calix, patena argentea, & cimelia aurea una cum lamina plumbea alia complectente.*

Cum audis Comitem fuisse Verdunensem, noli existimare natum esse Verduni, sed quod sedes pontificalia Verdunensis coniunctam habeat dynastiam Verdunensem, sicut Virtzburgensis dicitur dux Franconiae: sic Leodiensis antistes dux Westphalia.

Angariæ, Bullonij, Marchio, Franchi, montanus.  
Comes Lessensis, Longiensis,  
Horniensis.



B. <sup>mem.</sup> VDAL.